

## PLOANIES SAN MARTIN Y LUNGIARÜ

Le KVV inviëia ala 51<sup>a</sup> incuntada di vëdai, vëdues y porsones sores en domënia, ai 31 de merz, dales 9.30, a Porsenú tl Forum: Mëssa cun siur Josef Stricker, dedò referat de Rudi Gamper: "Dí madër dilan". Domisdé aurela cõrta cun le grup de teater de Santa Cristina. Prëibel prenotesse cina ai 27 de merz pro les surastantes dl KVV de osc paisc. La marëna costa 15 €. Al passa n bus dales 7.40 a Picolin.

La Uniun dles Patrones da San Martin de Tor vënn ai 30 y 31 de merz, la sabeda sëra y la domënia do mëssa, primules por la Uniun dla Südtiroler Krebsilfe.

I Grups di Ministranc y dla Schira Jonila Val Badia organisëia adöm cun le Grup dles Families dla Unité Pastoral en sabeda, ai 23 de merz la prozesciun dles Staziuns da Badia sö Oies. I piun ia dala colonia demez dales 14.45 por rové sö ala Mëssa dales 16.00. Dedò aurela cõrta y n pice buffet. Düc, dantadõt les families cun sü mituns, é dër bel invia da gní a tó pert.

I Consëis de Cõra da San Martin y Lungiarü inviëia dër bel al referat cun siur Josef Knapp, l'ater dedemesaledema, ai 27 de merz, dales 20.00, tl salf di stödafüch a San Martin. "Wofür es sich lohnt. Wer seiner Berufung folgt, hat mehr vom Leben." (Besinnlicher Abend zum Jahresthema der Diözese „Auf dein Wort hin: Beschenkt – gerufen – gesandt“ – Vocaziuns y posc de spiritualité).

### SAN MARTIN

Incö domënia, 17 de merz, vëgn la gran mëssa zelebrada da mons. Francesco Sarego che tignará do mëssa te dljia na istruziun sura les vocaziuns religioses, a chëra che nia ma i ëi, mo düc é dër bel invia. Pater Francesco Sarego, miscionar da Steyl, é sté vësc tles misciuns.

En dedolönesc, ai 19 de merz, recordunse Sant Ujöp, dales 18.30 cun na messa da festa; en gaujiun dl santú é do mëssa düc i ëi bel invia ia tl salf di stödafüch a n batadú.

En la terza domënia de Carsëma, ai 31 de merz, orunse tigní la gran mëssa cun les families sot al tema dl "Pere misericordius/Fi pordü", a chëra che dötes les families é bel inviaes da tó pert cun gragn y pici.

### LUNGIARÜ

Le KVV mët a jí n curs da fá de vigni sort de frisurs modernes, da gnidé y da festa, les sabedes ai 30 de merz y ai 6 d'aurí dales 16.00 cina les 17.30 tl pice salf dles uniuns te scora a Lungiarü cun Nicole Nagler. Prenotesse pro Nicole 349 32 85 345.

Le KVV da Lungiarü mët a jí n curs de LNB Motion (ginastica por renforzé muscui y articulaziuns y prevegní artrosa, me de spiné, me ales sciabes, üfs, jenëdli, col) cun Marisa Clara. Dal 01 d'aurí inant vigni lönesc dales 20.00 ales 21.15 te palestra a Lungiarü. Prenotaziuns cina ai 27 de merz pro Marisa al numer 340 27 56 166.



www.unitepastorala.org

## Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it  
redaziun: anton.gasser@rolmail.net - 348 27 44 517 / 0474 523 194

**17.03. – 24.03.19 nr. 16**

ultimo termo por comunicaziuns: jöbia dales 20.00

radio: 90,40 / 93,70

## 2<sup>a</sup> DOMËNIA IA DE CARSËMA - C

### Vangele do Lüca 9,28-36

Te chël tēmp à Gejù tut Pire, Jan y Iaco sön na pert y é jü impara sön na munt a perié. Y tratan ch'al periâ, s'à mudé l'aspet de so müs, y so quant é diventè blanch lominus. Te n iade baiâ dui ëi impara.

Al ê Mosè y Eliâ; ai ê aparîs te n lominus raiënt y baiâ de süa fin, che dô s'adempli a Ierusalem.

Pire y sü compagns ê gnüs coiüs dala sonn, mo ai s'à descède y odô Gejù te n lominus raiënt y i dui ëi che ê dlungia d'ël. Canche chisc dui orô s'un jì demez da d'ël, à Pire dit a Gejù: Maester, al é bun ch'i sun chilò. I orun fà sö trëi üties, öna por tè, öna por Mosè y öna por Eliâ. Mo al ne savô nia ci ch'al dijô.

Çiamò tratan ch'al baiâ, él gnü na nìora y i à curì cun süa ambria. Ai ê rovâ ite tla nìora y se temô. Y dal nio scraiâ na usc: Chësc é mi Fi prelité, ascutédele! Mo do che la usc â zedü, ê Gejù indô su. I discepuì scutâ y ne ti cuntâ en chi dis a degügn ci ch'ai â odü.

*En chësta 2<sup>a</sup> domënia de Carsëma stá Gejù tl zënter.*

*Cun l'odlada sön Gejù trasfiguré se damanunse:*

*Che é pa chësc Gejù por me te mia vita da vignidé?*

*Tla monotonía da vignidé él dërt da rové te posc*

*y te momënc, olach'an pó palsé y ponsé do.*

*La mëssa dla domënia podess incö ester n te post.*

*I sun gnüs cun nüsc dejiers, nostes perts d'ambria*

*y nostes domandes a nes lascé scinche incorajamënt y speranza nöia.*


*I discepuì vëiga te n iade Gejù döt atramënter: plëgn de lominus.*

*Spo aldi na usc fora dl nio:*

*Chësc Gejù, cun chël ch'ai é bele rodá por n pez tla Galilea, é le prelité de Dî, che Chël Bel Dî ti á ortié ala jënt y che ara dess ascuté.*



|                                                                                               | SAN MARTIN                                                                                                                                                                                              | LUNGIARÜ                                                                                                                      | <b>Vire la Carsëma:</b><br><i>Vangele Lûca 9,28b–36:</i><br><i>Pire y sù compagns ê gnûs coiûs dala sonn, mo ai s'â descedé ...</i><br><b>Impuls:</b> Ince nos, ch'i sun cherdá tres le bato a na vita cun Gejú Crist, gnun coiûdes y coiûs dala sonn...<br>I ó me (lascé) descedé por ... |
|-----------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>17.03.19</b><br><b>2ª DOMÈNIA</b><br><b>DE CARSÈMA - C</b>                                 | <b>9.00</b> Funziun de Carsëma<br><b>9.30</b> GRAN MËSSA dla Comunité cun presentaziun di Crejimanc<br>dedô Istruziun te dljia cun mons. Francesco Sarego sura vocaziuns a chëra che <u>düc é inviá</u> | <b>7.55</b> Les Staziuns<br><b>8.15</b> GRAN MËSSA dla Comunité cun presentaziun di Crejimanc<br>dedô Istruziun di Èi tl salf |                                                                                                                                                                                                                                                                                            |
| 18.03.19<br><b>Lönesc</b> Ziril, <i>Eduard</i>                                                |                                                                                                                                                                                                         | <b>16.30</b> Les Staziuns                                                                                                     |                                                                                                                                                                                                                                                                                            |
| 19.03.19<br><b>Dedolönesc</b><br><b>SANT UJÖP Festa di Peri</b>                               | <b>18.30</b> Mëssa da festa en onur de Sant Ujöp a d'intenz. fam. Albert Moling<br>+ + Stefo y Richard Frenner                                                                                          | <b>20.00</b> Mëssa da festa en onur de Sant Ujöp fam. Domenico Clara de ringraziament<br>+ Davide Dapoz                       |                                                                                                                                                                                                                                                                                            |
| 20.03.19<br><b>Dedemesaledema</b><br><i>Wolfram, Irmgard, Claudia</i>                         | <b>18.00</b> Les Staziuns                                                                                                                                                                               | <b>7.50</b> Mëssa di scolars<br>+ Pire Mischí, Pecëi<br>+ Vittoria Clara<br><b>20.00</b> <i>Sentada dl Cönsëi de Cöra</i>     |                                                                                                                                                                                                                                                                                            |
| 21.03.19<br><b>Jöbia</b><br><i>Christian, Benedët, Emilie</i>                                 | <b>7.30</b> Mëssa<br>+ Davide Costalunga<br>+ Erna Frenner<br>por les Animes<br><b>Corona por vocaziuns</b>                                                                                             |                                                                                                                               |                                                                                                                                                                                                                                                                                            |
| 22.03.19<br><b>Vëndres</b><br><i>Lea, Clemens, Elmar</i>                                      | <b>18.30</b> Adoraziun chîta y confesciuns<br><b>19.00</b> Funziun de Carsëma                                                                                                                           | <b>7.30</b> Mëssa<br>fam. da Somví                                                                                            |                                                                                                                                                                                                                                                                                            |
| 23.03.19<br><b>Sabeda</b><br><i>Turibio, Rebeca</i>                                           | <b>15.30</b> Mëssa tla Ciasa de Palsa<br><b>18.30</b> Mëssa prefestia<br>+ + Frida y Paul Vantsch<br>+ Giovanni Flöss y + + Pedevilla, Ju<br>por les Animes                                             | <b>20.00</b> Mëssa prefestia<br>fam. de Monica Costa<br>dl ann + + Frida y Ivo Sorá<br>+ Johanna Schanung                     |                                                                                                                                                                                                                                                                                            |
| <b>24.03.19</b><br><b>3ª DOMÈNIA</b><br><b>DE CARSÈMA – C</b><br><b>De dla Solidarité KVV</b> | <b>9.00</b> Les Staziuns<br><b>9.30</b> GRAN MËSSA dla Comunité<br><b>11.00</b> Bato de Johanna Sophia Dapoz<br><i>Oferta por KVV</i>                                                                   | <b>7.55</b> Les Staziuns<br><b>8.15</b> GRAN MËSSA dla Comunité<br><i>Oferta por KVV</i>                                      |                                                                                                                                                                                                                                                                                            |



Da te, Sant Ujöp, iüst y fedel,  
gnunse te nûsc bojëgns  
a te perîé do tûa proteziun.  
Tö che t'as fistidié  
por Santa Maria y so Fi,  
ciara ince de nos  
ch'i sun gnûs salvá da Gejú  
y da d'ël surandá sciöche fis  
a súa uma Maria.  
Tëgn tûes mans  
sura vigni ciasa, stûa y fojina.  
Straverdesse dales invidies,  
dai sënns, dales calunies,  
dal malcontënt, dala fan,  
dala ciarestia de laur,  
da revoluziuns y da veres.  
Insëgnesse umilté y paziënza  
y dëidesse tl'ora de nosta mort.  
Amen.